

ICBM Rianṭuannak Bawipa nih Thluachuah a pek

Rev. Dr. Van Thawng Lian



2019 BT meeting tiang Kawram ah rianṭuan mi ICBM missionary 83 kan rak ngei i atu cu Rakhine ah ram thar kan kauh ruang ah minung 103 kan ngei cang, Nurse Aides zong 13 kan rak ngei, kan ti i training a kai lio 12 nih an training an dih cun 25 kan ngei cang lai. High School, College University le Seminary siangngakchia zong an karh chin lengmang.

ICBM rianṭuannak Bawipa nih thluachuah a pek i March 2020 ah cun ICBM nih zoh ti lo in an umnak Area le Association ah ap ding Krihfabu 2 – Ukphu (Kanpalet) le Chat (Mindat) kan ngei. Nikum kan tlun lio ah Ukphu Baptist Church hi member 219 an si, a rauh hlan ah 250 an tling chom lai.

Cun 2020-21 chungah ap ding Khrihfabu 10 zong an um rih: (1) Pakun (Kanpalet), (2) Kanhthayone (Kanpalet), (3) Samantha (Kanpalet), (4) Yelaungpan (Kanpalet), (5) Aye Sakhan (Mindat), (6) Mihchaungbawa (Paletwa), (7) Tinbong (Paletwa), (8) Chaungkhuah (Gangaw), (9) Pyidohkone (Gangaw), (10) Miza (Gangaw) an si. Hi Krihfabu 10 hi an umnak area silole Association ah pekchanh an si tik ah an herhning cio in bawmhnak pek le zohkhenh an si te lai.

Thluachuah lak ah Satan Hnahnawnak

Pathian nih thluachuah a kan pek lio ah khatleikam ah Satan nih rian a rak ṭuan ve. AA nih Paletwa peng cu an kan buai hnawh ruang ah Paletwa peng ah rian a ṭuan mi kan Missionary hna le Nurse Aides cheukhat hna cu ṭhatṭhi in rian an ṭuan kho lo, a cheu cu an khua ah aa din chung mi zong an um. Kum dang bantuk in an rianṭuannak reports zong tlamtling in pek khawh dawh an si lo. Har tong Paletwa kan unau hna hi ram dang khuasa Chin mipfun nih an kut samh in an bawmh cio hna. CBCUSA zong nih kutsamh kan herh ngai ve.

Chin Education Center, Hakha Innsaknak

CBCUSA nih thlacamnak le pekchanhnak he timhlahm mi Private/Christian High School inn saknak hmun cu Hakha Christian Ministers Fellowship (HCMF) nih an kan pek cang i inn sak khawh a si cang. Hi program hi ICBM Head Quarters Office ti a rak si nain kan pale nih High School lawlaw in sak si ko seh tiah an ti i High School sak ding in timhlahm a

si ruang ah phaisa zong tam deuh a dih ding a si. Hi sianginn ah thlanglei Chinmi lawng si loin chaklei Chinmi zong kai kho ve ding in timhlahm a si.

Mah High School saknak ca ah hin building committee zong ser a si i, Hakha khua ah bochan mi Pu Thla Hre, Pu Ngun San Aung, Pu Tha Peng tbk le biaknak lei hruaitu kan pale hna tampi nih an kan telpi. Building Committee hnatlaknak in Inn satu ding ah Pu Chum Ling ngeih mi “RUNG FAMILY” cu thim a si. 2021 Academic kum ah cun hman khawh ding in ruah asi.



Mission Department Director Khualtlawnnak

CBCUSA nih aa hmaithlak mi Mission rian cu Ram chung le Ram leng mission ti in then a si i, ram leng rianṭuannak cu ICBM tiah kawh a si. ICBM nih field 5 (Gangaw, Mindat, Kanpetlet, Paletwa le Rakhine) ah rian kan ṭuan. Cu kan field hna cu kum khat ah voi khat va zoh le missionary hna training pek a herh ruang ah Mission Director cu September 20 in November 14, 2019 tiang Mission Field zohnak le Missionary Training peknak le Rakhie Baptist Convention i Revival program ah caan a hmanng kho.

Missionary Training cu hlunghlai ngai in Shanram, Taunggyi khua ah tuah a si i, missionaries le Nurse Aides 99% an kai kho. Kum dang bantuk si loin Cozah Law le Krihfa rianṭuannak kong zong Pu Ngai Sak nih tling tein a kan cawnpiak. Mission rianṭuannak ah experience a ngei mi Rev. Dr. Ceu Cung zong nih practical ah hman ding fiang tuk in a kan cawnpiak i kan lung a tling taktak.

Thla khat ah \$400 pek in rak hlan tawn mi Yangon ICBM office cu Insein in Hlaing Thiri ah thla khat \$350 pek mi ah kan ṭial. Tlunkal tik ah a herh mi poh nih riah le tlun khawh asi. Tu lio ah cun Nurse Aides training a kai mi minung 13 an um lio. ><><

CELD THAWNGPANG

Thlasui Tluangneh

2019 March CACC BM nih a fehter hnu in cawlcangh hram aa thok mi Linguistics Team cu CACC zung ah January 7-11 tiang zarh khat chung, an paper chuahpi mi cio zohti caan an hmang kho. Hi Team chungtel cu: Bawi Tawng, Kenneth VanBik, Lai Cung, Laiki Chozah, Salai Lahnim, Siangnawl Thlaceu, Stephen Ni Kio, Thlasui Tluangneh an si. Hi caan hmanna ah LADC lei in Salai Lahnim lawng a bau, nain a zaka ah ALL (Association of Lai Language) in minung 2 (Pu Hmuncungnung le Pu Lalchankim) an kai kho i, an meeting cu a bau mi um lo i hmuhton le meeting tuah hmasa bik ah ruah a si.

4) Siangnawl Thlaceu – *Nominalizers*, 5) Stephen Ni Kio – *Nouns le Lai Min*, 6) Thlasui Tluangneh – *Lai Middle Voice* an si. Lai Grammar Cauk chuah kho te ding i timh a si ruang ah cu leipang hoih cun an cathluan cio hi chuahpi ding ah ruah an si i, kau ngai in an chuahpi lai tiah awrh an si fawn.

Thla khat bakte rau in Kawlram a tlawn chung ah CELD Director cu CACC i Church School Lesson Cauk tawlreltu (tialtu) hna he zong meeting an ngei kho. Tu hlan ah CACC nih Cawnpiaktu i tlaih ding Lesson cauk lawng an chuah, ngakchia cawn ding Workbooks an chuah ballo. Cu ruang ah ngakchia tuah ding tete aa tel mi CBCUSA CELD chuah mi cauk cu TABC le CBA (Kalay) nih 2017 lio in an hman. Tu ah cun CACC nih an Lesson cauk uk 11 (kum 4 in 15 tiang) he i zul in Workbooks uk 11 an tuah dih cang i, cu cauk cu CBCUSA local churches in cah le hman a duh mi poh cah khawh hman khawh awk in CELD nih Feb. thla chung ah hin a chuah zau lai.

Cun CBCUSA ram chung local churches chung in pulpit Bible (size ngan) ngeih a duh mi an um ruang ah The Bible Society of Myanmar General Secretary Rev. Dr. Khoi Lam Thang zong a zung ah tong in US ah pulpit Bible namnak nawl a hal. 11 by 14 inches size in Lai Baibal Thiang pulpit Bible cu a duh mi vial ca lawng ah a rauh hlan ah US ah nampiak timh a si.



2019 June thla, an team hmasa bik preliminary meeting lio i tuavo an i phawt ning te in an paper chuahpi vial cu: 1) Bawi Tawng – *Lai Conjunctions*, 2) Kenneth VanBik – *Lai Verb Forms Umtu Ning*, 3) Laiki Chozah – *Lai Demonstratives*, 4) Siangnawl Thlaceu – *Applicants and Participants*, 5) Stephen Ni Kio – *Lai Adverbs*, 6) Thlasui Tluangneh – *Lai Pronouns and Pronominal Partcles* an si. Anmah team chungtel lawng zarh khat chung papers zohti caan an hman hnu ah January 11 (Saturday) cu theihngaih a huam mi poh sawm in holh le ca kong bia i hal, i leh, le fianternak in thatho caan nuam ngai an hmang i tuah than lengmang ding ah zapi lei in awaan a tam ngai. Dam te um ahcun hi Team hi Australia Victoria Chin Baptist Church ah November 23-28, 2020 i hmuhton le papers chuahpi an tim than. An paper chuahpi ning ding cu: 1) Bawi Tawng – *Postpositions* 2) Kenneth VanBik – *Psycho-collocations*, 3) Laiki Chozah – *Nominal Verbs*,



CELD i Committee cu 2019-2020 chung rian tuan zohthannak le 2020-2021 chung rian hma laak ding kong ceihchat in Charlotte Chin Baptist Church ah January 22-24 tiang meeting an ngei. Committee chung in Rev. Dr. Chan Thawng Lian lawng a bau (Australia i caan a ngeih ruang ah). Zeizongte a tawrelttu Rev. Aaron Tawk Al te chungkhar le an church cung ah lawmh awk a tam ngaingai. January 24 chun hnu cu vawlei khuazakip zumtu hna tam tuk le Laimi hrimhrim nih zumhnak ah suttung pi bang ruah mi le amah min in dirh mi Billy Graham Library ah 5 pm (a hmun an khar) tiang lenvah le mah nun i hrimh cio caan an hman i lunglawm thadam te in meeting an dih kho. †

WOMEN DEPARTMENT THAWNGPANG

CBCUSA Nubu hna rian tuannak cu Pathian nih thlua a chuah i a thangcho chin lengmang ko.

Voi 5-nak EC meeting cu Jacksonville Chin Baptist Church ah December 13 – 14, 2019 ah tlamtling tein tuah a si. Meeting ah CBCUSA GS nih a kan telpi khawh.



December 14 Saturday night le 15, Sunday pumh hna cu JCBC ah hman a si. JCBC Nubu hi A voi 5-nak CBCUSA Nubu traning lio i action song zuannak ah pakhatnak a kan lakpiaktu an si, tutan pumhnak zong ah action song thatha an kan hmuhsak than.

Nubu hna rian ttuannak hi kau deuh in kar hlan dingah timhtuah a si. Kan unau Bawm hna sin ah Holistic mission tuan ding in timhtuahnak ngeih mi program ah Bawm nu 2 Bible siangin kaiter ding in biachahnak ngeih a si, a kai ding hna cu confirm an si cang.

Kan Chinmi chung in Kawlram ah Medical school a kai mi (sibawi a cawng mi pakhat tukum thok in bawmh a si.

CBCUSA Nubu hna thancho chin khawhnak hnga Nubu consultation cu June 05 - 06, 2020 ah ngeih ding in timhtuah a si.

Nubu Director le Assitant Director cu February 06 - 09, 2020 ah tuah mi LIKKB Nubu civui , Saiha, Mizoram ah an kal lai.

Nubu EC member 2 BWA civui July 25 – 26, 2020 Brazil ah an kal lai.



CBCUSA Nubu EC member le JCBC Nubu

